

# Esra

*Waeuwa uawa*

Buka Esra ita Niamaiia bedewe girumantoienna wadia Iuda apanawa Babilon tawowa bedewe waimoia leuntopue muba bolauwo antopua rua ita God duwa osowe Ierusalem bedewe wadapu.

## 3

*Apana osowe pulo sumpaa watawa dewasaiena*

<sup>1</sup> Walama sa uaboa 7 wadeno Israel apanawa\* muba bolauwobolauwo waimoia ene wimone Ierusalemwa awodeantone waimoie.

<sup>2</sup> Ita Iosadak otopa Iesua ita pirisi isiwa do ita Sealtiel otopa Serubabel damba do Israelwa Godiu mampe pulo sumpaa watawa osowe dewasaiena. Tauma mo God perowetawa Moses anaanawa wana rua pulo amonawa sumpa.

<sup>3</sup> Mo sape waimoie apava da bola sa bedewe waimoia sauntoie. Tane mo pulo watawa bolawa dewasane ita tadinaida ita rawi uduudu pue suie.

*Apana uwantone God duwa osowe wadei*

<sup>7</sup> Warere Sairus oaleno rua mo ia badowa ebowa sida Lebanon tawowa bedewe inintoia tomopu God duwa wadapua baiwa. Mo seu nolawala apanawa ita kanda mane wanamopu. Tane Saidon ita Taire apanawa isiwa nana, esa

---

\* **3:1:** Tane tawo nata Israel ita Iuda ebou dialen, sa baiwa mo mida buka ema girumantoienna mo ebou wane ituiena *Israel apanawa*.

ita mena wanamoiена mo ia sa neanamopuo owa  
asiasi bola Iopa bedewe wimopua baiwa.<sup>†</sup>

<sup>8</sup> Mo wimone Ierusalemwa God duwa enedia aupawe waimoio ena dea dialen. Ema aupe ena da uaboawa natawa bedewe Sealtiel otopa Serubabel, Iosadak otopa Iesua damba do, pirisi ita Liwai damba tane do apana uduudu emalawoau wadaitumoiена leuntone bola debama Ierusalem bedewe wimoiena. Ita sape mo osowe uwantone God duwa wadeiena. Mo Liwai damba<sup>‡</sup> mida enau 20 wadena teamoieno nola sa uantopua apanawa wananton.

*Apna nolantone God duwa wadeio enawa 21  
wadeno nola sa dialen.*

## 6

### *Israel apanawa God duwa nanantoi*

<sup>16</sup> Tane Israel apanawa, pirisi, ita Liwaiwa do mo mida emalawoau otamone antoiena leuntone wimoiena God duwa nanantone me wanane nu-aeuntoiena.

---

<sup>† 3:7:</sup> Mo Lebanon tawowa bedewe wadiwa ia topue iapue bola debamau Taire ita Saidonwa owa tampe nomopu. Ita mo ia tauboiamopue Mediterenian Owa asiasi newanepue antopue bola Iopa bedewe wimopu, ita bola sa dogo asiasi awa bola Iopa alene Ierusalemwa wisena ipa kilomita 58 waden. <sup>‡ 3:8:</sup> Liwai damba, saipa Iakob Lea nata otopu natadeawa. Me damba bedewea mo ipa pirisi God duwa bedewe nolantompa apanawa.

**Ina Sanaa Gagalowa**  
**The New Testament in the Kanasi Language of Papua**  
**New Guinea**  
**Nupela Testamen long tokples Kanasi long Niugini**  
copyright © 1996 Wycliffe Bible Translators

Language: Kanasi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-20

---

PDF generated using Haiola and XeLaTeX on 18 Apr 2025 from source files  
dated 31 Aug 2023

b27bd40e-e091-5268-bcbf-8232e1d7501a